

王
船
山
遗
书

王

船

山

遺

書

禮記章句卷十二

船山遺書十三

衡陽王夫之譔

內則

內門內之事也則法也教也周禮師氏以德行教國子曰孝德曰孝行曰友行曰順行其節目之詳著於此篇蓋孝友之德生於心者不學而能不慮而知而苟有其心不能施之於行則道不立而心亦漸向於衰矣學以能之慮以知之乃以充其心之全體大用雖有不逮者習而安焉則因事生心而心亦油然而興矣故曰下學而上達學者能於此致慎以自勉而治天下者修明之

刑言言卷一
以立治教則至道之行不出於此矣世教衰民不興行
其所謂賢知者又爲鹵莽滅裂之教以倡天下於苟簡
如近世王氏良知之說導邪淫墮名義舉世狂和之而
莫之能止學者勿以此篇爲事迹之末慎思明辨而篤
行之則經正而庶民興邪說之作尙其有懲乎凡十有
七章

后王命冢宰降德于眾兆民

后君也王三代有天下之通稱冢宰建邦之六典二曰
教典以安邦國以擾萬民教雖司徒之職而頒自冢宰
者重其事也降播告也德者人之所得於天而情所必

至才所可盡者也。蓋雖事迹之末而非根乎心之所得，則未有能行者矣。萬億曰兆，眾兆民者，自王國而達於天下也。此一節乃一篇之綱領，自下節以訖於篇末，皆降德之條目也。

子事父母，雞初鳴，咸盥漱，櫛緹笄，總拂髦，冠綏纓，端鞞紳，搢笏。

雞初鳴者，民間不得與知更漏，以雞鳴爲度也。咸皆也。戒令之皆若此也。盥，滌面；漱，蕩口也。櫛，梳也。緹，以黑繒爲之用，韜髮作髻，笄簪也。以固髻者，總亦以黑繒爲之，以束髮本而垂其末於髻後，以爲飾髦。以髦，牛尾爲之。

父母在子戴之以象幼時翦髮爲髻之形拂披也綏纓者以纓結於頷下以固冠其餘下垂爲飾冠元冠其纓青組端元端士服也韞爵韞紳大帶笏士以笏爲之以記事待問摺插於紳閒也

左右佩用左佩紛帨刀礪小觶金燧右佩玦捍管遶大觶木燧

佩用言左右所佩皆用物別於佩玉之爲德佩也紛拭器巾帨拭手巾刀小刀礪磨刀石觶形如錐以象骨爲之以解小結古人衣帶皆交固結之不爲虛紐以防解散故解之必用觶也金燧陽燧以向日取火玦指決著

右巨指以彊弦者捍拾也以韋爲之斂左臂之衣以捍弦也管筆彊也所以韜筆者遶刀鞞也有彊則有筆有鞞則亦有刀所謂刀筆以削柿書字也大觶解大結者木燧鑽四時之木以取火者

偏屨著綦

偏彼域反著張略反綦渠吏反

偏如韞而無底以飾足脰或謂之行滕著繫之也綦屨上小帶此上三節言衣冠佩屨之事必於詳慎而後敢以見於父母敬之至也敬其身以敬父母敬之本也虧體辱親託於奉養其爲不孝大矣

婦事舅姑如事父母雞初鳴咸盥漱櫛縱笄總衣紳左佩

紛帨刀礪小觶金燧右佩箴管線續施繫表大觶木燧衿
纓綦屨

如事父母謂如十五而笄以後事其父母也笄刻首長
尺二寸爲髻飾者衣紳士妻之服衣裳不殊皆元謂之
宵衣紳色亦如衣也箴與針通管插針囊紉麻曰線紡
綿曰續施加也納線續於繫也繫小囊表繫下垂帶也
衿結之於衿也纓縞也綦屨者綴綦兩端於屨上不待
結而屨自固也

以適父母舅姑之所及所下氣怡聲問衣燠寒疾痛苛癢
而敬抑搔之出入則或先或後而敬扶持之

下胡駕反先
蘇佃反後胡

邁反

所燕寢也下氣斂息也苛與疴同疥癬也抑按摩也搔爬也敬者專志詳審以消息之也或先或後因其便也以手承掖曰扶以手提腕曰持

進盥少者奉槃長者奉水請沃盥盥卒授巾

少詩照反奉扶隴反長丁

丈反卒卽律反

槃盛水器沃傾水於槃也請而後沃者伺便恐沃蚤水寒也巾不言奉者故懸於楯

問所欲而敬進之柔色以溫之饘飩酒醴芼羹菽麥蕡稻黍粱稊唯所欲棗栗飴蜜以甘之葷苴粉榆兔薨滫瀡以

滑之脂膏以膏之父母舅姑必嘗之而后退

溫於問反免亡運反膏之

之膏古到反

問所欲皆夙具也古者家貧親老則爲祿仕給所欲也
溫與縕通藉也承也饘糜也酏粥也芼羹以菜雜肉加
米糝而煮之饘酏酒醴芼羹五者晨小食也菽麥以下
朝夕食也菽大豆蕡臠實今謂之火麻仁黍似稷而粒
大殼光滑或赤或黑或白其赤者今或謂之高梁或謂
之蜀黍稭稷之黏者今俗謂之糯粟七者皆以爲飯也
堇一名堇葵方書謂之堇堇菜莖如薺葉如柳開紫花
結三稜小薊一名箭頭草苴似堇而葉大皆滑菜也枌

榆白榆也其皮漬之生白黏新生曰免乾者曰薹滑乾也
也漚滑也言薹荳枌榆或新或乾漬之漚中令生滑漚
以和食也戴角者脂無角者膏膏之者謂以肥潤之也
老人咽膈恆苦不快故調和肉菜宜用膏滑也退少退
以俟使令不侍立者恐勞顧眄致哽咽

男女未冠笄者雞初鳴咸盥櫛縱拂髦總角衿纓皆佩
容臭昧爽而朝問何食飲矣若已食則退若未食則佐長
者視具

冠古亂反
朝直遙反

總角童子聚兩髦結束之也衿纓女子施纓帶於衿也
容畱也臭香也謂畱蘭茝之屬於小囊也不佩用者不

敢同於成人也昧闇爽明謂繇闇向明時蚤見曰朝視
省設也具食饌

凡內外雞初鳴咸盥漱衣服斂枕簟灑埽室堂及庭布席
各從其事

衣於
既反

衣著衣服冠冠事所業也此居家之常道各自以其時
爲之逮事父母者閒則從事不逮事父母者以此爲夙
興之本務故言凡以槩之

孺子蚤寢晏起唯所欲食無時

孺子八歲以下未入小學者唯所欲者長者矜恤之而
達其欲也無時少與而頻給之使饑飽得中

由命士以上父子皆異宮味爽而朝慈以旨甘日出而退

各從其事日入而夕慈以旨甘

朝直遙反
上時掌反

命士謂子爲命士也侯伯之上士天子之中士始受命
必別宮者自有政治官屬也味爽始朝者未味爽父之
宮門不啟也慈愛養也味永曰旨命士以上皆有膳宰
奉旨甘以將愛養可矣事君事也莫見曰夕君之視朝
別色始入不逮夕而退故以其先後修定省若事暇則
省問無恆數此言其常禮耳

父母舅姑將坐奉席請何鄉將衽長者奉席請何趾少者

執牀

句

與坐御者舉几斂席與簞

奉扶隲反鄉許亮反長
丁丈反少詩照反與坐

之與羊
如反

衽謂更易臥處執牀舉牀而移之也與坐命侍坐也唯
豕子豕婦或時侍坐御者侍坐者也坐起則御者舉几
斂席簟不敢委之少者以自尊

縣衾篋枕斂簟而櫛之父母舅姑之衣衾簟席枕几不傳
杖屨祇敬之勿敢近敦牟卮匱非餽莫敢用

祇旨夷反近其隱反敦都

隊反

首九字錯羨傳移動也近以他物與之雜處也敦如孟
而有蓋牟以木爲之似釜而小皆盛黍稷器卮酒器似
爵而無足匱水器似卮而大餽則子因父器婦因姑器

與恆食飲非餽莫之敢飲食

與羊
如反

與修治也修治有餘儲之以待賜與不敢食也恆食老少異糧

父母在朝夕恆食子婦佐餽既食恆餽父沒母存冢子御食羣子婦佐餽如初旨甘柔滑孺子餽

佐者羣子婦共餽之普恩私也餽者既不敢以復進又不敢以委畀失所故必餽之無餘也既食小食恆朝夕恆食也既食有餘不能徧眾則畱待恆食畢與恆食之餘同餽也羣子婦者冢子之婦與諸叔諸娣婦如初如父在柔脂膏所膏

在父母舅姑之所有命之應唯敬對進退周旋

句慎齊升

降出入揖遊不敢噦噫噫咳欠伸跛倚睇視不敢唾洩寒

不敢襲癢不敢搔不有敬事不敢袒裼不涉不擻褻衣衾

不見裏

唯以水反齊如字噦如月反噫烏界反擻居衛反

唯速應聲詔則唯問則敬對也周旋圓轉也方進而退

方退而進必圓轉不遽爲向背也齊整肅也升降以階

言出入以門言揖推手謂接賓客時遊謂從父母舅姑

閒步也六者皆敬慎其步履而整肅其儀容也噦逆氣

噫呢也噫歎氣咳嗽欠伸呵氣伸體跛斜傾一足倚依

物而立洩鼻液流也睇微視也襲重衣也猝寒加衣必

於隱僻不敢當尊者之前也敬事重事也祭則袒而割
牲弔則謁否則雖執勞役不敢爾也涉躡等升階也擻
與蹶同跳也褻衣衾不見裏者行則斂衽或時侍寢則
局曲斂衾不敢掀足颺動令裏見也此節所記以敬爲
主或且疑其敬有餘而愛不足者然愛而不敬非眞愛
也人子之於親求以得其歡心者誠切專至則志氣壹
而詳愼斂肅自無往而或縱故一堂之上肅雝靜穆而
和氣充盈君子之孝所繇大異於禽鹿之哶哶者恃此
而已

父母唾洩不見冠帶垢和灰請漱衣裳垢和灰請澣衣裳